

ভগবদ্বৈমুখ্য-বিপরীত ভগবৎ-সমুখ্য বিনা এই দুঃখরাশি নিবৃত্তির অন্য কোন উপায় নাই—এই প্রকার উপদেশ করিতেছেন । (১)

(২) **টীকাচ**—যতোভয়ং তন্মায়য়া ভবেত্ততো বুদ্ধিমান্ তমেব ভজেদুপাসীত । ননুভয়ং দ্বিতীয়াভিনিবেশতো ভবতি স চ দেহাহঙ্কারতঃ, স চ স্বরূপাশ্ফুরণাৎ, কি মত্র তস্মা মায়া করোতি অতঃ আহ ঈশাদপেতশ্চেতি । ঈশাবিমুখস্ত তন্মায়য়া অস্মৃতিঃ স্বরূপাশ্ফুর্ভবতি । ততো বিপর্যয়ো দেহোহস্মীতি । ততো দ্বিতীয়াভিনিবেশাৎ ভয়ং ভবতি । এবং হি প্রসিদ্ধং লৌকিকীষপি মায়াসু । উক্তঞ্চ ভগবতা—দৈবী হেমা গুণময়ী মম মায়া ছরতয়া । মামেব যে প্রপদন্তে মায়া মেতাং তরন্তি তে ইতি । একয়া অব্যাভিচারিণ্যাভজেৎ । কিঞ্চ গুরুদেবতাত্মা গুরুরেব দেবতা ঈশ্বর আত্মা প্রেষ্ঠশ্চ যস্ত তথা দৃষ্টিঃ সন্নিত্যর্থঃ, ইত্যেমা ॥ ১১ ॥ ২ ॥ কবির্বিদেহম্' । ১ ।

শ্রীল কবিনামে প্রথমযোগীন্দ্র ১১।২ শ্লোকে নিম্নি মহারাজকে বলিলেন—হে রাজন্ ! যতদিন পর্য্যন্ত জীবের ভক্তিতে দৃঢ় শ্রদ্ধার উদয় না হইবে, ততদিন পর্য্যন্ত কায়-বাক্য-মনে-কৃত ও ক্রিয়মান লৌকিক ও বৈদিক সমস্ত কৰ্ম্ম শ্রীভগবানে সমর্পণ করিবে । এইপ্রকার যোগীন্দ্র মহাশয়ের বাক্য শ্রবণে একটা সংশয় উপস্থিত হয় যে, জীবের নিজস্ব স্বরূপের অশ্ফুর্ভিজন্ম দ্বৈত-প্রপঞ্চ উপস্থিত হইয়াছে ; এবং সেইজন্যই ভয়, দুঃখ, শোক প্রভৃতি নানাপ্রকার অনর্থ উপস্থিত হইয়াছে । যেমন রজ্জুস্বরূপের অশ্ফুর্ভিজন্ম সর্পভ্রান্তি উপস্থিত হওয়ায় ভয় প্রভৃতি উপস্থিত হয় । রজ্জুর স্বরূপের জ্ঞানোদয় হইলে, সর্পভ্রান্তি নিবৃত্তা হইয়া ভয়াদি বিদূরিত হইয়া থাকে । তেমনই জীবের নিজস্বরূপ জ্ঞানের বিস্মৃতি হওয়ায় দেহেতে আত্মবুদ্ধি আত্মাতে দেহবুদ্ধি উপস্থিত হইয়াছে এবং তাহা হইতে দেহাদিতে অভিনিবেশ জন্মিয়াছে । সেই অভিনিবেশ জন্ম ভয়াদি উৎপন্ন হইতেছে ; অতএব ঈশ্বরের মায়ার এ বিষয়ে কি কর্তৃত্ব আছে—যাহাতে পরমেশ্বরকে ভক্তি করিতে হইবে ? তাহারই উত্তরে বলিতেছেন—জীবের স্বরূপ-জ্ঞানের অশ্ফুর্ভি কি স্বতঃই হইয়াছে, কিম্বা মায়াকৃত ? যদি বল—স্বতঃই হইয়াছে ; তাহা হইলে পুনর্ব্বার অস্মৃতির সম্ভাবনা থাকিয়া যায়, যেহেতু জীবের আপনাকে আপনি ভুলিয়া যাওয়া স্বভাব আছে । যেটী যাহার স্বভাব, সেটি তাহার অপরিহার্য্য । যদি বল—মায়াকৃত ; তাহাও অসম্ভব, যেহেতু মায়া জড়প্রকৃতি আর জীব চিৎপ্রকৃতি । জ্ঞান অজ্ঞানের উপমর্দক, কিন্তু অজ্ঞান জ্ঞানের উপমর্দক হইতে পারে না । অতএব, মায়া দ্বারা জীবের স্বরূপাবরণ অসম্ভব ; বিশেষত মায়া একটা শক্তি বিশেষ । এই শক্তিটী শক্তিমানের আশ্রয়ভিন্ন স্বতন্ত্র থাকিতে পারে না ;